



## ALKATEAREN DEKRETUA

**BEGOÑA TOLOSA MENDIA**, Tolosako Udaleko Garapen Ekonomikoa eta Enplegua sustatzeko Zinegotzi Delegatuak, Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritako eskumenekin bat etorrita eta 2019/1208 Alkatetzaren Dekretuak zinegotzi delegatuei emandako eskumenez baliatuta,

### Aurrekariak

2015. urtean antolatu zen lehen aldiz Tolosaldeko Lanbide Heziketaren topaketa. Lehen edizio hartan, Tolosaldeko hezkuntza zentroek euren ateak ireki zituzten interesdunen arreta erakartzeko asmoz, eta interesdunek instalazioak ikusteko aukera izan zuten.

2016an, helburu berarekin, azoka itxura hartu zuen topaketa hark. Egun bateko ekintza izan zen eta horren arrakasta ikusirik, antolatzaileek hurrengo urtean 2 eguneko iraupena izango zuela adostu zuten.

2017. 2018. eta 2019. urteetan ere azoka hori egiten jarraitu da, Tolosako Udalaren laguntza ekonomikoarekin eta logistikoarekin.

2020. urtean, berriz, covid-19ak eragina izan zuen azoka honetan eta formatua aldatu egin behar izan genuen, hau da, esparru fisiko batetik esparru birtualera pasa izan zuten,; besteak beste, orientazio-lerroari jarraituz, 3 bideo egin zituzten.

Inmakulada Lanbide Ikastola, S. Coop.ek, 2021eko martxoaren 12an, eskaera egin du (sarrera-zenbakia: 2942), eta zehazten du aurten VI. Lanbide Heziketako Azoka antolatu behar duela.

Aurkeztu duen txostenean zehaztu ditu helburu nagusiak, ekintzak, ikastetxe gonbidatuak eta antolatzaileak zeintzuk diren; baita aurrekontu zehaztua ere, 1.603,55 €-koa. Era berean, hitzarmena sinatu ahal izateko, honako dokumentazio hau aurkeztu du:

- Erakundearen Estatutuetan arautzen den xedea bat datorrela diruz lagunduko diren jardurekin.
- Erakundearen ordezkaria.
- Erakundea egunean dagoela Gizarte Segurantzarekiko eta Ogasunarekiko betebeharretan.
- Covid-19ak eragindako osasun-krisialdiari aurre egiteko prebentzio plana.

Aurkeztutako kontingentzia planak bat egiten du 2020ko urriaren 26ko Osasun Sailburuaren Aginduan xedatutakoarekin, COVID-19ak eragindako osasun-krisialdiari aurre egiteko beharrezko prebentzio-neurriei buruzkoarekin alegia. Halaber, Garapen Ekonomikoko eta Enpleguaren Sustapenerako azpisailak prebentzio enpresaren oniritzia jaso du.

Bestalde, Udalbatzak, 2020ko martxoaren 5ean egindako osoko bilkuran, 2020-2022 dirulaguntzen plan estrategikoa onetsi zuen.



TOLOSAKO  
UDALA

Hala, 2021eko udal aurrekontuan, dirulaguntza bat onartuta dago **1100.481.01430.00** partidan, **BOST MILA** euroko zenbatekoarekin eta entitate eskatzailearen dirulaguntza izendunaren kontzeptuarekin.

### **ARAUBIDE JURIDIKOA**

7/1985 Legea, apirilaren 2koa, Toki-araubidearen oinarriak arautzen duena:

III. kapituluan, 25.artikuluan “*Udalerriek, bere interesak kudeatzeko eta bere eskumen esparruan auzo-erkidegoaren beharrak eta nahiak hobetzen lagundu dezaten jarduera-mota guztiak bultzatu eta nahi adina zerbitzu publiko egin ditzake.*”

*Udalerriek, beti, Estatuko eta autonomia-erkidegoetako legedian ezarritako moduan, gai hauetako eskumenak beteko ditu....g) Hornidurak, hiltegiak, azokak, merkatuak eta bezeroaren eta kontsumitzaileen defentsa.*

2/2016 legea, Euskadiko Toki Toki-araubidearen oinarriak arautzen duena:

17. artikuluan Udalerrien eskumen propioak, 25.ean *Tokiko ekonomia eta gizarte-garapena, eta tokiko enplegu-planak edo politikak.*

Hori guztia kontuan hartuta, Zingegotzi Delegatu honek

### **Erabaki du:**

**LEHENA.-** Tolosako Udalak hitzarmena sinatzea Inmakulada Lanbide Ikastolarekin, Lanbide Heziketa bultzatzeko lan esparrua antolatzeko, eta lankidetzara esparrua egonkortzeko, klausula hauen arabera:

#### **Lehena. Xedea.**

Hitzarmen honen helburua da Tolosako Udalaren eta TOLOSAKO INMAKULADA IKASTETXEA S.Coop. elkartearen arteko lankidetzarako eremu egonkor bat ezartzea Tolosako udalerriaren barruan.

#### **Bigarrena. Diruz lagundu daitezkeen jarduerak.**

Hitzarmen honen eremuan honako jarduera hauek sartzen dira:

1. Lanbide Heziketako VI. Azokaren antolaketa.
2. Eskualdeko ikastetxeekin koordinatzea azokara bisita gidatuak egiten laguntzeko, Covid-19aren aurrean hartu beharreko segurtasun-neurriak betez.
3. Ikastetxe parte-hartzaileetan emandako lanbide-heziketaren sustapen-bideoak zabaltea.
4. Atarian ikasleen esperientzien publirepostajeak.

#### **Hirugarrena. Diruz lagundutako jardueren finantziazioa.**

Tolosako Udalak dirulaguntza baten bidez hartuko du parte hitzartutako jardueren finantzaketan. 2021eko ekitaldian, dirulaguntza hori **MILA SEIEHUN ETA HIRU EURO ETA BERROGEITA HAMABOST zentimokoa (1.603,55)** izango da,



TOLOSAKO  
UDALA

**1100.481.01.430.00** Udal Aurrekontuetako partidaren kargura; dena dela, diruz lagundutako entitateak beste erakunde batzuen dirulaguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira dirulaguntzaren zenbatekoaren azken zehaztapena egiteko, eta kasu horretan ulertuko da pertsona edo entitatearen kontura geratzen dela diruz lagundutako jarduera osorik exekutatzeko behar den finantzaketaren diferentzia, eta, bere kasuan, finantzaketa publikoa itzuli egin beharko da jarduera horren kostu osoa gainditzen duen kopuruan.

Dirulaguntza hau bateragarri izango da helburu bereko beste dirulaguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste dirulaguntzak erregulatzeko araudiak horri buruz agindu dezakeenari.

Gerta daitezkeen kofinantziazio-kasuek honako baldintza hauek bete beharra daukate:

a) Emandako dirulaguntzaren zenbatekoak ezin du inola ere gainditu, beste dirulaguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie dirulaguntzak eman dituzten entitateei, entitate horietako bakoitzak emandako diru-laguntzen proportzioan.

Hala ere, baldin eta Tolosako Udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako dirulaguntzaren mugaraino dirulaguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

### **Laugarrena. Indarraldia.**

Hitzarmen honek 2021eko urtarrilaren 1etik abenduaren 31ra arte izango ditu ondorioak. Emandako dirulaguntza behar bezala erabili dela justifikatu behar zaio dagokion sailari/azpisailari, Tolosako Udalaren eta bere Erakunde Publikoen Dirulaguntzen Ordenantza Orokorrek xedatutakoaren arabera.

### **Bosgarrena. Dirulaguntza jaso dezaketen gastuak.**



TOLOSAKO  
UDALA

Dirulaguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen Dirulaguntzen Ordenantza Orokorraren 27. artikuluko aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; hitzarmenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira dirulaguntza eman edo hitzarmena onartutako urtearen barruan sortzen diren gastuak.

Dirulaguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, dirulaguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua dirulaguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, dirulaguntza-eskabidean. Proposamen ekonomikorik onena aukeratzeko ez denean, espresuki justifikatu beharko dira erabili diren irizpideak, memoria baten bidez.

Gutxienez hiru hornitzailearen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, dirulaguntza kalkulatu da erreferentziatzat harturik bi balioetan txikiena dena: pertsona onuradunarena edo tasazioaren ondorioz ateratakoa

### **Seigarrena. Dirulaguntzaren justifikazioa.**

Dirulaguntza emateko egintzan aurreikusitako baldintza eta helburuak bete izanaren eta lortu izanaren justifikazioa egingo da DLOren 30. artikuluan, DLOren Araudian eta Tolosako Udalaren eta bere Erakunde Publikoen dirulaguntzen Ordenantza Orokorraren 28. artikuluan aurreikusita dagoenaren arabera.

Dirulaguntza justifikatu behar da «kontu erraztua» izeneko modalitatearen bidez, baldin eta dirulaguntzen zenbatekoa 15.000 eurokoa edo gutxiagokoa bada, eta kontu erraztuak jaso behar du, oro har, honako dokumentazio hau:

- a) Jarduera-memoria bat, dirulaguntza ematean ezarritako baldintzak betetzen direla justifikatzeko, non adieraziko diren zein jarduera egin diren eta zein emaitza lortu diren.
- b) Gastuen eta inbertsioen zerrenda bat, ataletan banatuta, eta identifikatuta dituela hartzekoduna eta dokumentua, zenbatekoa eta jaulkipen- eta ordainketa-datak, Tolosako Udalak emandako ereduaren moduan justifikatuko dena. Dirulaguntza



TOLOSAKO  
UDALA

aurrekontu zenbatetsi baten arabera ematen denean, zein desbideratze izan diren adieraziko da.

c) Diruz lagundutako jarduera finantzatu duten beste sarrera edo dirulaguntzen zehaztapan bat, non zenbatekoa eta jatorria adieraziko diren.

d) Aplikatu ez diren soberakinak eta horietatik ateratzen diren interesak itzuli direla dioen ordainketa gutuna.

Organo emaileak dirulaguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Dagokion deialdian, laguntza emateko-erabakian edo hitzar menean zehaztuko da zein den egiaztatu beharreko elementu-kopurua, ondoren adierazten diren mugak errespetatuta:

a) Emandako dirulaguntzaren zenbatekoaren 100eko 25 gainditzen duten egiaztagiri guztiak begiratu dira.

b) Gainerako egiaztagirietatik begiratu da elementuen lagin bat, zeina gutxienez portzentaje hau den populazio osoaren elementu-kopuruarekiko:

- Egiaztagiriak hamar edo hamar baino gutxiago badira: 100eko 100.
- Egiaztagiriak hamar baino gehiago eta hogeit hamar edo hogeit hamar baino gutxiago badira: 100eko 70.
- Egiaztagiriak hogeit hamar baino gehiago eta berrogeit hamar edo berrogeit hamar baino gutxiago badira: 100eko 40.
- Egiaztagiriak berrogeit hamar baino gehiago eta ehun edo ehun baino gutxiago badira: 100eko 30.
- Egiaztagiriak ehun baino gehiago badira: 100eko 20.

#### **Zazpigarrena. *Dirulaguntzen justifikazioa aurkezteko epea.***

Dirulaguntzen justifikazioa aurkezteko epea hilabete bat izango da, jarduera gauzatzeko epea bukatzen denetik kontatuta.

#### **Zortzigarrena. *Ordaintzeko prozedura.***

Dirulaguntzaren ordainketa egingo da, oro har, dirulaguntzaren onuradunak justifikazioa aurkeztu eta organo eskudunak onartu ondoren, beti ere jarduera dela-eta eskumenak dituen sailak/azpisailak aldeko txostena egin ondoren.

Dirulaguntza zati bakar batean ordainduko da egindako gastua justifikatzen duen kontua aurkeztutakoan, beti ere hurrengo urteko urtarrilaren 31 baino lehen.

Bete beharreko baldintza izango da Tolosako Udalak aurretik emandako dirulaguntzen justifikazio-dokumentazio osoa aurkeztu izana, beste dirulaguntza berri batean parte hartu ahal izateko.

Ordainketak Dirulaguntzen Datu Base Nazionalari jakinarazi behar zaizkio ordaindu eta hurrengo hilabetea bukatu aurretik.

#### **Bederatzigarrena. *Diruz lagundutako jardueraren publizitatea.***



TOLOSAKO  
UDALA

Entitate onuradunak diruz lagundutako jardueren publikotasuna zabaltzeko neurriak hartu beharko ditu, diruz lagundutako objektuarentzat egoki direnak, dela beren forman, dela beren iraupenean, nola baita, esaterako, Tolosako Udalaren irudi instituzionala edo beraren finantzaketa publikoari buruzko legendak sartzea karteletan, plaka oroigarrietan, inprimatutako materialetan, baliabide elektronikoko edo ikus-entzunezkoetan, edo, bestela, hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Dirulaguntza jasotzen duen erakundeak konpromisoa hartzen du Tolosako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

#### **Hamargarrena. Euskararen erabilpena.**

Ahozko informazioa (megafonia...) eta idatzizkoa (kartelak, oharak...) euskaraz edo elebitan egin behar dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

#### **Hamaikagarrena. Genero berdintasuna.**

Ezin izango dute parte hartu eta ez dira pertsona edo entitate onuradun izango ondorengo hauek:

- Pertsona fisiko edo juridikoak, baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoak.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

#### **Hamabigarrena. Jarraipen Batzordea.**

Hitzarmen honen testuinguruan, bi aldeek adostu dute hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argiturik; dirulaguntza jaso duten jarduera guztien memoria eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

ESKUB8fe7a96-0b67-457f-8f65-2f6dbad5fa77



TOLOSAKO  
UDALA

Tolosako Udalak egoki irizten dituen ikuskapen eta ziurtapenak egiteko ahalmena du, diruz lagundutako elkarteak hartutako konpromisoak betetzen dituela egiaztatzeko helburuarekin.

**Hamahirugarrena. *Iraungitzea.***

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

**Hamalagarrena. *Lan eta zerga-legeria.*** Diruz lagundutako entitateak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokionez.

**Hamabosgarrena. *Izaera administratiboa.***

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

**Hamaseigarrena. *Erantzukizunpeko adierazpena.***

Tolosako Udalaren eta bere Erakunde Publikoen Dirulaguntzen Ordenantza Orokorraren 10.11. artikuluan xedatutakoaren arabera, DLOaren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

**Hamazazpigarrena. *Gainerako legeria.***

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Tolosako Udalaren eta bere Erakunde Publikoen diru-laguntzen Ordenantza Orokorra.

**Hemezortzigarrena. *Izaera pertsonaleko datuak.***

Izaera pertsonaleko datuak arautzen duen legeriak agintzen duenari jarraituta, bi aldeek konpromisoa hartzen dute indarrean dagoen legerian xedatutakoa, aplikatu daitekeen guztian, beteko dutela.

**Hemeretzigarrena. *Dokumentuen kontsulta eta elkarreragingarritasuna.***

39/2015 Legearen 28. artikuluan, 2016/679 (EB) Erregelamenduaren 6.1. artikuluan eta 38/2003 Legearen 14. artikuluan ezarritakoari jarraiki, Tolosako Udalak informazioa kontsultatuko du zuzenean bere datu baseetan eta, interesdunak horren aurka egiten ez badu, NISAE elkarreragingarritasun nodoaren bidez Gipuzkoako Foru Ogasunean eta Gizarte Segurantzako Diruzaintzan, laguntza lortzeko baldintzak betetzen diren egiaztatzeko behar diren datuak eta, bereziki, honako hauek: Foru Ogasunaren zerga-betebeharretan eta Gizarte Segurantzarekikoetan egunean izatea, eta enpresaren datuak.

ESKUB8fe7a96-0b67-457f-8f65-2f6dbad5fa77



TOLOSAKO  
UDALA

**Hogeigarrena. Gardentasun ataria.**

Hitzarmenaren testua argitaratuko da Gardentasun atarian eta Udaletxeko iragarki taulan.

Eta ados daudela adierazteko, hitzarmenaren hiru ale izenpetzen dituzte bi aldeek, nire aurrean eta goiburuan aipatutako toki eta egunean, eta nik, idazkari naizen honek, fede ematen dut.

**Bigarrena:** VI. Lanbide Heziketako Azoka garatzeko 1.603,55 euroko dirulaguntza onartzea, 2021eko udal aurrekontuetan jasotzen den moduan, 1100.481.01.430.00 partidaren kargura.

**Hirugarrena:** Diruz lagundu daitezkeen gastuak honako hauek izatea: Ikastetxe parte-hartzaileetan emandako lanbide-heziketaren sustapen-bideoak zabaltzea eta Atarian ikasleen esperientzien publirepostajeak egitea.

Zinegotzi Delegatuak

Nire aurrean,  
IDAZKARIA

Begoña Tolosa Mendia

Begoña Garmendia Vázquez

Plaza Zaharra, 6A - 20400 TOLOSA - Tel.: 943 65 44 66 - Faxa: 943 69 75 10 - Helbide elek.: [udate@tolosa.eus](mailto:udate@tolosa.eus)  
[www.tolosa.eus](http://www.tolosa.eus)



Egiaztapen Kode Segurua/Código Seguro de Verificación: **ESKUb8fe7a96-0b67-457f-8f65-2f6dbad5fa77**

Dokumentu elektronikoa honen paperezko kopiaren osotasuna eta sinadura egiaztatzeke, sar ezazu egiaztapen kode segurua egoitza elektronikoan:  
<https://uzt.gipuzkoa.eus?De=07110>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=07110>

## Sinaduren laburpena / Resumen de firmas

**Titulua / Título:**

2021DO200010-Dekretu Orokorra/Decreto General (TOLOSAKO INMAKULADA